

ქედის მუნიციპალიტეტის საკრებულოს
სოციალურ საკითხთა კომისიის სხდომის
ოქმი N2

დაბა ქედა

25 მარტი, 2025 წელი.

სხდომა დაიწყო 13:30 სთ-ზე

სხდომა დამთავრდა 14:00 სთ-ზე

სხდომას თავმჯდომარეობდა ოთარ ხარაძე - ქედის მუნიციპალიტეტის საკრებულოს სოციალურ საკითხთა კომისიის თავმჯდომარე.

სხდომას ესწრებოდნენ:

ლევან ვერძაძე - კომისიის წევრი;

მერაბ ნაკაშიძე - კომისიის წევრი;

არჩილ გორგილაძე - კომისიის წევრი;

ჯემალ დავითაძე - კომისიის წევრი.

სხდომას არ ესწრებოდნენ

მარინა ბარამიძე - კომისიის წევრი;

შორენა კარანაძე - კომისიის წევრი;

მინდია არძენაძე - კომისიის წევრი;

ინგა ანანიძე - კომისიის წევრი.

სხდომას ასევე ესწრებოდნენ:






საკრებულოს აპარატის უფროსი - მუხრან სალაძე;

საკრებულოს კომისიებთან და საზოგადოებასთან ურთიერთობის განყოფილების უფროსი - ციური ზაქარაძე;

ქედის მუნიციპალიტეტის საკრებულოს აპარატის პირველი კატეგორიის უფროსი სპეციალისტი კომისიებთან ურთიერთობის საკითხებში - ნანა ბერიძე;

ქედის მუნიციპალიტეტის საკრებულოს სოციალურ საკითხთა კომისიის წევრთა
სარეგისტრაციო ფურცელი

25.03.2025 წელი

№	სახელი, გვარი	თანამდებობა	ხელმოწერა
1	ოთარ ხარაძე	კომისიის თავმჯდომარე	
2	ლევან ვერძაძე	კომისიის წევრი	
3	არჩილ გორგილაძე	კომისიის წევრი	
4	მარინა ბარამიძე	კომისიის წევრი	
5	მერაბ ნაკაშიძე	კომისიის წევრი	
6	ჯემალ დავითაძე	კომისიის წევრი	
7	შორენა კარანაძე	კომისიის წევრი	
8	მინდია არძენაძე	კომისიის წევრი	
9	ინგა ანანიძე	კომისიის წევრი	

სხდომის თავმჯდომარემ დღის წესრიგი ჩამოაყალიბა შემდეგი სახით.

დღის წესრიგი:

1. ქედის მუნიციპალიტეტის მერიის ჯანმრთელობისა და სოციალური დაცვის სამსახურის 2024 წლის ანგარიშის მოხმენა - განხილვა.
2. ქედის მუნიციპალიტეტის საკრებულოს სოციალურ საკითხთა კომისიის 2025 წლის მეორე კვარტლის სამუშაო გეგმა.

მოისმინეს: სხდომის თავმჯდომარემ აღნიშნა, რომ 2025 წლის 20 თებერვალს საკრებულოში შემოვიდა ქედის მუნიციპალიტეტის მერიის ჯანმრთელობისა და სოციალური დაცვის სამსახურის მიერ 2024 წელში გაწეული მუშაობის შესახებ ანგარიში (განცხადების ნომერი: 12-95250511-95; განცხადების თარიღი 20.02.2025) და წარმოადგინა შემდეგი სახით.

2024 წელს ჯანმრთელობისა და სოციალური დაცვის სამსახურში შეიქმნა ორი სტრუქტურული ერთეული: ბავშვის უფლებების დაცვისა და მხარდაჭერის განყოფილება და სოციალური დაცვის განყოფილება.

აქვე გაცნობებთ, რომ სოციალური დაცვის განყოფილებაში დასაქმებულია ორი სპეციალისტი. პირველი კატეგორიის უფროსი სპეციალისტი სოციალურ საკითხებში, მეორე კატეგორიის უფროსი სპეციალისტი ჯანდაცვის საკითხებში, ერთი საშტატო ერთეული ვაკანტურია. ხოლო ბავშვის უფლებების დაცვისა და მხარდაჭერის განყოფილებაში სამი საშტატო ერთეული ვაკანტურია. შრომითი ხელშეკრულების საფუძველზე დასაქმებულია ერთი სპეციალისტი-იურისტი.

სამსახური ხელმძღვანელობს თანამდებობრივი ინსტრუქციით, მოქმედი კანონმდებლობით, მერიის დებულებით, სამსახურის დებულებითა და მუნიციპალიტეტის სხვა სამართლებრივი აქტებით განსაზღვრული უფლება-მოვალეობებით.

სამსახურის მიერ გარკვეული მუშაობა იქნა გაწეული მოსახლეობის ჯანმრთელობისა და სოციალური მდგომარეობის გაუმჯობესების, სტიქიური მოვლენების შედეგად მიყენებული ზარალის შესწავლისა და ანაზღაურების მიზნით. მოქმედებდა სულ 20 მიზნობრივი პროგრამა კერძოდ:

1.,,სოციალურად დაუცველი ფენისათვის ყოველდღიური ერთჯერადი უფასო კვებით უზრუნველყოფა”, რომლის მთლიანი ბიუჯეტი შეადგენს 32 000 ლარს. პროგრამა განახორციელა ტენდერში გამარჯვებული ინდ. მეწარმე „დარეჯან გორგაძემ“- სარგებლობს 25 მოქალაქე.

2 „უკიდურესად გაჭირვებულ ოჯახებში გარდაცვლილ პირთა დაკრძალვისათვის ერთჯერადი დახმარების პროგრამა, რომლის ბიუჯეტი შეადგენს 50 000 ლარს. პროგრამით ამ დროისათვის ისარგებლა 90 ოჯახმა (სარეიტინგო ქულა 120 000-ზე ნაკლები) და თითოეულ ოჯახს გაეწია 500 ლარიანი დახმარება.

3.,,ჰემოდიალიზის სეანსებით მოსარგებლე ბენეფიციართა (თანმხლები პირის ერთად) მგზავრობის ღირებულების ანაზღაურების პროგრამა”, რომლის ბიუჯეტი შეადგენს 37 320 ლარს. პროგრამით სარგებლობს 18 მოქალაქე.

4. „ვეტერანთა სარიტუალო მომსახურების, სადღესასწაულო დღეების ორგანიზებისა და დახმარების“ პროგრამა, რომლის ბიუჯეტი შეადგენს 91 990 ლარს. (გაზით მომსახურების - 47590, ვეტერანის დღესთან დაკავშირებით ერთჯერადი ფინანსური დახმარება - 40400, აგვისტოს ომის დროს დაღუპული მეომრის ოჯახისათვის ერთჯერადი ფინანსური დახმარება-2000 ლარის ოდენობით და დახმარება ვეტერანთა გარდაცვალებასთან დაკავშირებით 2500) ლარი აღნიშნული პროგრამით სარგებლობს 205 ვეტერანი.

5. „ოთხ და მეტ შვილიან ბავშვთა ოჯახებზე (18 წლამდე ასაკის ბავშვები) ერთჯერადი მატერიალური დახმარების პროგრამა“, რომლის ბიუჯეტი შეადგენს 105 000 ლარს. აღნიშნული პროგრამით ამ ეტაპისთვის ისარგებლა 70-მა ოჯახმა. თითოეულ ოჯახს გაეწია ფინანსური დახმარება 1500 ლარის ოდენობით.

6. „სოფლის მოსახლეობის სამედიცინო მომსახურების“ პროგრამა, რომლის მთლიანი ბიუჯეტი შეადგენს 203 000 ლარს. მოსახლეობას ემსახურება 40 მედდა, რომლებიც აღჭურვილი არიან პირველადი მოხმარების მედიკამენტებითა და დამხმარე საშუალებებით. სისტემატიურად ხორციელდება პროგრამის მონიტორინგი.

7. „თემზე დაფუძნებული მობილური გუნდის მომსახურება მძიმე ფსიქიკური აშლილობის მქონე პირებისათვის“. პროგრამის მთლიანი ბიუჯეტი შეადგენს 93 600 ლარს. მობილური გუნდი ყოველთვიურად ადგილზე მისვლით ახდენდა 50-60 ფსიქიკური აშლილობის მქონე პირების მონახულებას, უწევს მათ შესაბამის მომსახურებას და სპეციფიკური მედიკამენტების მიწოდებას.

8. „სამედიცინო და სოციალური რეაბილიტაციის პროგრამაში ჩართულ ბავშვთა აბილიტაცია/რეაბილიტაციის კურსებზე მგზავრობის ხელშეწყობა“, რომლის ბიუჯეტი შეადგენს 65 000 ლარს. ამ ეტაპისათვის სარგებლობს 70 ბენეფიციარი.

9. მოვლის საჭიროების პირთათვის ფინანსური დახმარება. რომლის ბიუჯეტი 378 000 ლარს შეადგენს. პროგრამით გათვალისწინებულია 0-18 წლამდე და 18 წლის ზემოთ ასაკის ბენეფიციარებისათვის (ეტლით მოსარგებლე და მწოლიარე) ფინანსური დახმარება. 0-18 87 ბენეფიციარი. წლამდე 150 ლარი. სარგებლობს 83 ოჯახის 87 ბავშვი. 18 წელს ზევით 250 ლარი, სარგებლობს

10. „ოპერაციული მკურნალობის თანადაფინანსებ“ის - ბიუჯეტი შეადგენს 80 000 ლარს, აღნიშნული პროგრამის შესაბამისად 209 ოჯახზე გაცემულია საგარანტიო წერილი მათ მიერ გადასახდელი თანხის დასაფინანსებლად.

11. „მოწყვლადი სოციალური ჯგუფების ბენეფიციართა მედიკამენტებით უზრუნველყოფ“ის - ბიუჯეტი შეადგენს 470 000 ლარს, აღნიშნული პროგრამის საფუძველზე გაიცემა შესაბამისი ვაუჩერები. ამ ეტაპისათვის უკვე ისარგებლა 2350 მოქალაქემ.

12. პროგრამის შესაბამისად მიმდინარეობს მუშაობა წითელი ჯვრის საზოგადოებასა და ქედის მუნიციპალიტეტის მერიას შორის გაფორმებული ხელშეკრულების საფუძველზე ერთობლივი პროექტის „საქმიანობთა ცენტრი ქედაში უსაფრთხო გარემოსა და სიცოცხლის ხელშეწყობისათვის“ ბიუჯეტი შეადგენს 26 200 ლარს.

13. „მოწყვლადი სოციალური ჯგუფების ბენეფიციართა მედიკამენტებით უზრუნველყოფ“ის - ბიუჯეტი შეადგენს 470 000 ლარს, აღნიშნული პროგრამის საფუძველზე გაიცემა შესაბამისი ვაუჩერები. ამ ეტაპისათვის უკვე ისარგებლა 2350 მოქალაქემ.

14. „სტიქიური მოვლენების შედეგად დაზარალებულ ოჯახებზე (ბინის ქირით უზრუნველყოფა) ფინანსური დახმარება“. პროგრამის ბიუჯეტი 1 166 000 ლარს შეადგენს და სარგებლობს 324 ოჯახი.

15. „0-დან 18 წლამდე ასაკის ბავშვებზე სპეციალური სამკურნალო კვების პროდუქტების შესაძენად ფინანსური დახმარება“. პროგრამის ბიუჯეტი 19 200 ლარს შეადგენს. სარგებლობს ორი ოჯახი, თვეში 800 ლარის ოდენობით.

16. „მარტოხელა მშობლის სტატუსის მქონე და მარჩენალ დაკარგულ პირებზე ფინანსური დახმარება“- პროგრამის ბიუჯეტი შეადგენს 99 600 ლარს. ქედის მუნიციპალიტეტში რეგისტრირებულია 4 მარტოხელა მშობელი და გათვალისწინებულია თვეში 200 ლარით დახმარება, ხოლო მარჩენალდაკარგული-თვითოეულ ბავშვზე 100 ლარის ოდენობით. ამ დახმარებით სარგებლობს 44 ოჯახის 75 ბავშვი.

გარდა მერიის პროგრამებისა გარკვეული მუშაობა იქნა გაწეული სტიქიური მოვლენების შედეგად დაზარალებული მოსახლეობის მდგომარეობის გასაუმჯობესებლად. „საცხოვრებელი უზრუნველყოფის პროგრამაში“ ჩასართავად შუამდგომლობა გაეწია 145 ოჯახს, ასევე სამთავრობო კომისიაზე განსახილველად შუამდგომლობა გაეწია 1 სახლდამწვარ ოჯახს და მეწყერის შედეგად დაზიანებული საცხოვრებელი სახლების გამაგრებისათვის ფინანსური დახმარების თაობაზე - 38 ოჯახს. შემოსულია განცხადებები საცხოვრებელი სახლებისა და მიმდებარე ტერიტორიების გეოლოგიურად შესწავლასთან დაკავშირებით. შესწავლილია გეოლოგიური სამსახურის მიერ და წარმოდგენილია შესაბამისი დასკვნები, სადაც მითითებულია სხვადასხვა რეკომენდაციები, როგორც ადგილმონაცვლეობა, ასევე საცხოვრებელი სახლის გამაგრება და მიმდებარე ტერიტორიების ფერდსამაგრი კედლის მოწყობა. დასკვნების საფუძველზე ხდება შესაბამისი რეაგირება.

კომისიის წევრებს შენიშვნები არ გამოუთქვამთ.

სხდომის თავმჯდომარემ საკითხი კენჭისყრაზე დააყენა:

მომხრე: 5

წინააღმდეგი: 0

კომისიამ გადაწყვიტა:

ქედის მუნიციპალიტეტის მერიის ჯანმრთელობისა და სოციალური დაცვის სამსახურის მიერ 2024 წელში გაწეული მუშაობის შესახებ ანგარიში განხილული იქნას საკრებულოს მორიგ სხდომაზე.

მოისმინეს: სხდომის თავმჯდომარემ კომისიის წევრებს გააცნო ქედის მუნიციპალიტეტის საკრებულოს სოციალურ საკითხთა კომისიის 2025 წლის მეორე კვარტლის სამუშაო გეგმა შემდეგი სახით:

	განსახილველი საკითხები და გასატარებელი ღონისძიებები	განხილვის თარიღი	საკითხის განხილვა კომისიის სხდომაზე	საკითხის განხილვა საკრებულოს სხდომაზე	პასუხისმგებელი პირი საკითხის მომზადებაზე
1	სხვადასხვა კულტურულ და სპორტულ ღონისძიებებში აქტიური მონაწილეობის მიღება	პერიოდულად	კომისიის სხდომაზე	საკრებულოს სხდომაზე	კომისიის თავმჯდომარე
2	ააიპ „ქედის კულტურის ცენტრი“- ს მიერ 2024 წელს გაწული საქმიანობის შესახებ ინფორმაციის მოსმენა	მაისი	კომისიის სხდომაზე	საკრებულოს სხდომაზე	ააიპ „ქედის კულტურის ცენტრი“- ს დირექტორი
3	საკრებულოს სოციალურ საკითხთა კომისიის წლიური ანგარიში	ივნისი	კომისიის სხდომაზე	საკრებულოს სხდომაზე	კომისიის თავმჯდომარე
4	ქედის მუნიციპალიტეტის საკრებულოს სოციალურ საკითხთა კომისიის 2025 წლის მესამე კვარტალის სამუშაო გეგმა	ივნისი	კომისიის სხდომაზე	საკრებულოს ბიუროს სხდომაზე	კომისიის თავმჯდომარე

კომისიის წევრებს შენიშვნები არ გამოუთქვამთ.

სხდომის თავმჯდომარემ საკითხი კენჭისყრაზე დააყენა:

მომხრე: 5


წინააღმდეგი: 0

კომისიამ გადაწყვიტა:

დამტკიცდეს ქედის მუნიციპალიტეტის საკრებულოს ბიუროს მიერ საკრებულოს სოციალურ საკითხთა კომისიის 2025 წლის მეორე კვარტალის სამუშაო გეგმა წარმოდგენილი სახით.

კომისიის თავმჯდომარემ სხდომა 14:00 სთ-ზე დახურულად გამოაცხადა.

სხდომის თავმჯდომარე



ოთარ ხარაძე

ოქმი შეადგინა:

საკრებულოს აპარატის პირველი კატეგორიის უფროსი სპეციალისტი კომისიებთან ურთიერთობის საკითხებში

ნანა ბერიძე